

Ballau. A s'iscoberta de su Tzentru Dosa, su meseu de su Flumendosa



CENTRO DI
DOCUMENTAZIONE
STUDI ACQUE

Su Centru Dosa (Documentatzione e Istùdias de s'acqua) est una realidade ùnica in su gènere suo in Sardigna e intre is pagas in Europa: protagonistas sunt s'abba e su riu, fonte de vida.

S'agatat in Ballau, a curtzu a Casteddu. Est acasagiadu in una domo sennorile de s'800 e esàminat is aspetos biològicos, ecològicos e antropològicos de su riu e de is popolatziones chi, cunvivende cun issu, ant originadu sa "Cultura de su riu" fata de impreos e costùmenes millenàrios: is nassargius, is ortos amparos, su traghementu de pessones e mertzes, su samunòngiu de is pannos, is giogos, ma fintzas is alluviones e is lutos.

In su Museu sunt espostos is atretzos de sa pisca de su riu e is mètodos de impreu. S'istòria reghente de su Frumendosa est documentada cun iscritos, fotografias

e filmados fintzas antetzedentes su fràigu de is digas. S'allementu virtuale rapresentat sa fàuna e sa flora de su riu in dioramas destinados a sa didàtica. S'origìne de su Dosa est a tesu in su tempus, e Funtana Coberta, su Tèmpiu nuràgicu dedicadu a su Cultu de is Abbas, nos inditat dae 3500 annos su podere beru e simbòlicu de s'abba.

In s'istrutura de museos fintzas òperas de artistas sardos cuntemporàneos comente Francesco Picciau. S'òpera sua "Acua frisca (abba frisca)", in plexiglas e plàstica ritziclada, est ispirada a is abbas friskas e birdes de su Frumendosa, e est istada esposta a su pùblicu eris meda.

Su Tzentru de Documentatzione ponet in iscena sa richesa de variedade biològica e culturale chi si cuntzentrat a fùrriu a su Frumendosa, unu de is cursos de abba prus importantes de sa Sardigna. A traessu de dioramas, paisàgios sonoros, vùdeos projetziones e postatziones interativas, is impitadores podent familiarizare cun is caraterísticas naturales e biològicas de is vàrios ecosistemas fatu fatu de su Frumendosa e cun s'istòria e sa cultura de is comunidades presentes in su cursu suo. Coro de s'allementu est un'innovativu acuàriu virtuale: una projetzione realistica 3D chi is visitadores podent impreare pro interagire pro iscobèrrere is genias prus caraterísticas de su riu. Cumentant s'allementu elementos de arredu e una iscenografia de pelliculas rica e pannellos didàticos cun una gràfica coordinada originale.